

本草經疏

卷

中

廿二

廿三



本艸經疏卷二十一

蟲魚部中品

總五十六種今疏其要者一十七種

蛻皮 露蜂房 鼈甲 蟹

蟬蛻 烏賊魚骨 原蠶蛾 蠶退

白僵蠶 鰻鱺魚 蛞蝓 蜚蠊

麤蟲 青魚膽 石首魚 鱸魚

蛻皮味苦平無毒主五痔陰蝕下血赤白五色血汁不止陰腫痛引腰背酒煮殺之又療腹痛疝積亦燒爲灰

酒服之得酒良畏枯梗麥門冬

疏蛻鼠類屬水其皮毛戟刺如鍼屬金故味苦平平



卽兼辛大腸屬金以類相從故能治大腸溼熱血熱
爲病及五痔陰蝕下血赤白五色血汁不止也陰腫
痛引腰背腹痛疝積皆下焦溼熱邪氣留結所致
以散之苦以泄之故主之也肉味甘平能開胃氣止
反胃亦主痔瘻腸風

主治參互

同象牙末等治通腸漏見象牙條下 衍義五痔下
血用蝟皮穿山甲等分燒存性入肉豆蔻一半空心
米飲下一錢妙 楊氏家藏方腸風下血蝟皮一枚
木賊艸半兩炒黑爲末每二錢熱酒調下

簡誤

凡食其肉當去骨誤食令人瘦劣諸節漸小也

露蜂房味苦鹹平有毒主驚癇瘰癧寒熱邪氣癰疾鬼
精蠱毒腸痔火熬之良又療蜂毒毒腫

〔疏〕蜂性有毒螫人則痛極以其得火氣之甚也故蜂
房味苦氣平性亦有毒別錄言鹹當作辛鹹辛散苦
泄鹹可軟堅故主驚癇瘰癧寒熱邪氣癰疾鬼精蠱
毒腸痔等證也療蜂毒毒腫者取其氣類相從以毒
攻毒之義也蘇恭以亂髮蛇皮三物合燒灰酒服方
寸匕治惡疽附骨癰根在臟腑歷節腫出丁腫惡脈
諸毒大明煎水漱齒止風蟲疼痛洗乳癰蜂疔惡瘡
皆取其攻毒散邪殺蟲之功耳



主治參互

子母秘錄臍風溼瘡久不瘥者蜂房燒末傳之效
袖珍方風蟲牙痛蜂房一枚鹽實孔內燒過研末搽
之鹽湯漱去一方同細辛煎水漱之 又方喉痺腫
痛露蜂房灰白殭蠶等分爲末吹入喉內或用乳香
湯服半錢 濟眾方女人妬乳乳癰汁不出內結成
腫名妬乳用蜂房燒灰研末每服二錢水一盞煎六
分去滓溫服 經驗方治漏痔蜂房燒存性研細摻
之乾則菜油調傳

簡誤

蜂房主驚癇瘈瘲及諸癰疽惡毒正取其攻散邪惡

以毒攻毒之意若病屬氣血虛無外邪者與夫癰疽潰後元氣乏竭者皆不宜服

鼈甲味鹹平無毒主心腹癥瘕堅積寒熱去痞息肉陰蝕痔惡肉療溫瘧血瘕腰痛小兒脇下堅肉味甘主傷中益氣補不足

惡磬石

〔疏〕鼈甲全稟天地至陰之氣故其味鹹平無毒潤下作鹹象水明矣本乎地者親下益陰何疑甲主消散者以其味兼乎平平亦辛也鹹能軟堅辛能走散故本經主癥瘕堅積寒熱去痞疾息肉陰蝕痔核惡肉別錄療溫瘧者以瘧必暑邪爲病類多陰虛水衰之人乃爲暑所深中邪入陰分故出併於陽而熱甚入

併於陰而寒甚元氣虛羸則邪陷而中焦不治甚則結爲瘧母甲能益陰除熱而消散故爲治瘧之要藥亦是退勞熱在骨及陰虛往來寒熱之上品血瘕腰痛小兒脇下堅皆陰分血病宜其悉主之矣勞復女勞復爲必須之藥勞瘵骨蒸非此不除產後陰脫資之尤急

主治參互

仲景鼈甲煎丸治瘧母之要藥 得牛膝當歸佐以橘皮何首烏知母麥門冬治久瘧 同知母石膏麥門冬貝母竹葉治溫瘧熱甚渴甚無肺熱病者加人參若瘧發熱甚渴甚又寒甚汗多發時指甲黯狀若

欲死并加桂枝有神去桂枝治痺瘧良 得青蒿麥
門冬五味子地黃枸杞牛膝治骨蒸勞熱甚則加銀
柴胡地骨皮胡黃連 肉主傷中益氣補不足腹中
結熱婦人漏下陰虛羸瘦性冷補一切陰虛人宜常
食之

簡誤

鼈甲妊娠禁用凡陰虛胃弱陰虛泄瀉產後泄瀉產
後飲食不消不思食及嘔惡等證咸忌之

蟹味鹹寒有毒主胸中邪氣熱結痛啞僻面腫敗漆燒
之致鼠解結散血愈漆瘡養筋益氣 爪主破胞墮胎

〔疏〕蟹稟水氣以生故其味鹹氣寒本經雖云有毒然

今人多食之卒無害其有毒者大抵形質怪異如後
文所載諸種始有大毒耳外骨內肉陰包陽也入足
陽明足厥陰經經曰熱淫於內治以鹹寒故主胸中
邪氣熱結痛也喎僻者厥陰風熱也面腫者陽明熱
壅也解二經之熱則筋得養而氣自益喎僻面腫俱
除矣鹹走血而軟堅故能解結散血漆得蟹則化爲
水燒之可集鼠于庭此物性之相感相制莫能究其
義也愈漆瘡者以其能解漆毒故也爪性迅利故能
破胞墮胎也

主治參互

日華子產後肚痛血不下者以酒食之筋骨折傷者

生搗炒罾之

陳藏器續斷絕筋骨去殼同黃搗爛

微炒納入瘡中筋卽連也

寇宗奭小兒解顱不令

以蟹螯同白及末搗塗以合爲度

唐瑤經驗方骨

節離脫生蟹搗爛以熱酒傾入連飲數碗其查塗半

日內骨肉谷谷有聲卽好

董炳驗方中鰈魚毒食

蟹卽解

胡洽方治孕婦僵仆胎上搶心有蟹爪湯

千金方神造湯治子死腹中或雙胎一死一生服

之令死者出生者安神驗用蟹爪一升甘艸二尺東

流水一斗以葦薪煮至二升濾去滓入眞阿膠三兩

令烱頓服或分二服若人困不能服者灌入卽活

簡誤

蟹性冷能散血熱爲病故跌撲損傷血熱瘀滯者宜之若血因寒凝結與夫脾胃寒滑腹痛喜熱惡寒之人咸不宜食有獨螯獨目兩目相向六足四足腹下有毛腹中有骨頭背有星點足斑目赤者並有毒不可食能害人被其毒者冬瓜汁紫蘇蒜豉蘆根汁皆可解之不可與柿及荊芥食發霍亂動風木香汁可解

蟬殼味鹹甘寒無毒主小兒癩女人生子不出灰服之

主久痢

一名枯蟬一名金牛兒凡用洗去泥并去翅足漿水煮晒乾用

[疏]蟬稟水土之餘氣化而成形其飛鳴又得風露之清氣故能入肝祛風散熱如藥性論主小兒壯熱驚

癰是矣其主婦人生子不下者取其蛻脫之義治久
痢者以其有甘寒之功也其鳴清響能發音聲其性
善蛻能脫翳障其體輕浮能發瘡癰其味甘寒能除
風熱故陳藏器主啞病寇宗奭主目昏障翳小兒瘡
癰出不快及今人治頭風眩暈皮膚風熱痘癰作痒
疔腫毒瘡大人失音小兒噤風天弔驚哭夜啼等證
皆以其有如上諸功能也

主治參互

同羚羊角蜜蒙花白蒺藜艸決明木賊艸穀精艸甘
菊花夜明沙生地黃黃連女貞實治目盲障翳同
丹砂茯神真珠牛黃僵蠶天竺黃釣藤鈎犀角琥珀

全蝎治小兒風熱急驚癇病 同犀角生地黃紫艸
麥門冬連翹金銀花治痘瘡血熱出不快 同石膏
鼠黏子赤檉木薄荷玄參甘艸葛根枯樓根麥門冬
治大人小兒痧癰 普濟方治小兒夜啼不止狀若
鬼祟以蟬蛻下半截爲末每一字釣藤湯調下或入
辰砂少許亦可并治天弔驚啼 全幼心鑑痘瘡作
癰蟬蛻三七枚炙甘艸各一錢水煎服 錢氏方痘
後目翳蟬蛻爲末每一錢羊肝煎湯下日二服 和
劑局方蟬花散治肝經蘊熱風毒之氣內搏上攻眼
目赤腫翳膜疼痛昏濇內外障翳咸治之用蟬蛻殼
精艸刺蒺藜甘菊花防風艸決明蜜蒙花甘艸羌活

黃芩蔓荊子川芎木賊艸荊芥等分爲末每二錢茶清調食後臨臥各一服

簡誤

痘疹虛寒證不得服

烏賊魚骨味鹹微溫無毒主女子漏下赤白經汁血閉陰蝕腫痛寒熱癥瘕無子驚氣入腹腹痛環臍陰中寒腫令人有子又止瘡多膿汁不燥

一名海螵蛸一名烏鰂骨一名墨魚

〔疏〕烏賊魚骨稟水中之陽氣以生故其味鹹氣微溫無毒入足厥陰少陰經厥陰爲藏血之臟女人以血爲主虛則漏下赤白或經汁血閉寒熱癥瘕少陰爲藏精之臟主隱曲之地虛而有溼則陰蝕腫痛虛而

寒客之則陰中寒腫男子腎虛則精竭無子女子肝傷則血枯無孕鹹溫入肝腎通血脈而祛寒溼則諸證除精血足令人有子也其主驚氣入腹腹痛環臍者蓋肝屬木主驚驚入肝膽則榮氣不和故腹痛環臍也入肝膽舒榮氣故亦主之溫能燥溼故又主瘡多膿汁也按素問云有病胸脇支滿者妨于食病至則先聞腥臊臭出清液先唾血四肢清目眩時時前後血病名曰血枯得之年少時有所大脫血或醉入房中氣竭肝傷故月事衰少不來治之以四烏鰂骨一蘆茹爲末丸以雀卵大如小豆每服五丸飲以鮑魚汁所以利腸中及傷肝也觀此則其入厥陰血分



爲女人崩漏下血之要藥可知矣

主治參互

聖惠方赤白目翳用烏鰂骨一兩去皮爲末入片腦
少許點之 澹寮方底耳出膿海螵蛸半錢麝香一

字爲末以綿杖絞淨吹入 聖惠方小兒臍瘡出血

及膿海螵蛸乾臙脂爲末油調搽之 聖濟總錄骨

鯁在喉烏賊魚骨橘紅焙等分爲末寒食麴和飭丸

芡子大每一丸含化 簡便單方舌腫出血不止烏

賊骨蒲黃各等分炒爲末塗之

簡誤

其氣味鹹溫血病多熱者勿用



原蠶蛾雄者有小毒主益精氣強陰道交接不倦亦止精

〔疏〕原蠶蛾乃是晚蠶第一番出者其子再復出者爲二蠶此二蠶之種其蛾性最淫出繭便媾味鹹氣溫熱故能強陰益精令交接不倦也日華子主壯陽事止泄精尿血暖水臟蓋取其性淫助陽鹹溫入腎之功耳

主治參互

千金方丈夫陰痿不起未連蠶蛾二升去頭翅足炒爲末蜜丸梧子大每夜服一丸可御十女以菖蒲酒止之 聖濟總錄玉枕生瘡生枕骨上如癰破後如

